



ZAPISNIK O RADU 62. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 29.10.2024. GODINE

Broj: 01-GV-02-1352/24
Sarajevo, 29.10.2024. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Srđan Simonović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Alen Girt, zamjenik predsjedavajućeg Kluba gradskih vijećnika Naše stranke
6. Muamer Mekić, predsjedavajući Kluba gradskih vijećnika Socijaldemokratske partije BiH
7. Vedad Deljković, predsjedavajući Kluba gradskih vijećnika „Deljković-Simonović“
8. Samir Bejić, predsjedavajući Kluba gradskih vijećnika „Danijela Šahat-Samir Bejić“
9. Bajro Biber, predsjedavajući Kluba gradskih vijećnika „USD-BOSS“
10. Enisa Spahić, predsjedavajuća Kluba gradskih vijećnica „Enisa Spahić-Amra Zulfikarpašić“
11. Seid Škaljić, predsjedavajući Kluba gradskih vijećnika „Seid Škaljić - Željko Majstorović“
12. Elvedin Korora, zamjenik predsjedavajućeg Kluba gradskih vijećnika „Korora/Skorupan“
13. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“

Odsutna: Mila Eminović, sekretar Gradskog vijeća (opravdan izostanak)

Sjednici je prisustvovala, po ovlaštenju Gradonačelnice, Aida Bajramović, sekretarka organa uprave.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva, Nejra Selimović, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 14.07 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **većinom glasova**, izjasnivši se sa **11 glasova „za“**, **bez glasova „protiv“** i dva „suzdržana“ glasa **je usvojio** Zapisnik o radu 61. sjednice Kolegija Gradskog vijeća, održane 01.10.2024. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno, je usvojio** dnevni red 62. sjednice Kolegija Gradskog vijeća, tako da glasi:

1. Priprema za održavanje 45. sjednice Gradskog vijeća Grada Sarajeva
2. Tekuća pitanja



Ad 1)

Priprema za održavanje 45. sjednice Gradskog vijeća Grada Sarajeva

a) Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno**, izjasnivši se sa **12 glasova „za“**, bez glasova „protiv“ i bez „suzdržanih glasova“ prisutnih članova Kolegija (jedan član Kolegija se nije izjasnio) **je usvojio** sljedeći **zaključak**:

- 45. sjednica Gradskog vijeća će se, u skladu sa okvirnom dinamikom, održati **u srijedu 27.11.2024. godine u Vijećnici** sa početkom **u 10.00 sati**;
- Predlagači će materijale dostaviti Predsjedavajućem, najkasnije, **u utorak 05.11.2024. godine**;
- Sjednice radnih tijela, u pripremi 45. sjednice Gradskog vijeća, održat će se u sedmici koja počinje sa **ponedjeljkom 11.11.2024. godine**;
- Pozivi gradskim vijećnicima za 45. sjednicu Gradskog vijeća će se uputiti **u srijedu 20.11.2024. godine**.

b) Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Nacrt Odluke o donošenju Strategije za mlade Grada Sarajeva, prema informaciji Gradonačelnice, **nije spreman** i neće biti uvršten u prijedlog dnevnog reda 45. sjednice Gradskog vijeća.

Informacija o saradnji i odnosima Grada Sarajeva sa nacionalnim manjinama, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 45. sjednice Gradskog vijeća.

Izveštaj o izvršenju Budžeta Grada Sarajeva za III kvartal 2024. godine, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 45. sjednice Gradskog vijeća.

Informacija o realizaciji budžetskih sredstava organizacijama humanitarnog karaktera, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 45. sjednice Gradskog vijeća.

Informacija o evidentiranju i mapiranju zatvorenih i regulisanih djelova vodotoka II kategorije sa ulivnim građevinama na području Grada Sarajeva i održavanju istih, prema informaciji Gradonačelnice, **nije spremna** i neće biti uvrštena u prijedlog dnevnog reda 45. sjednice Gradskog vijeća.

c) Teme planirane Programom rada Gradskog vijeća Grada Sarajeva za period januar – oktobar 2024. godinu, koje nisu realizovane

Informacija o realizaciji projekta „Viewpoint“, prema informaciji Gradonačelnice, **nije spremna** i neće biti uvrštena u prijedlog dnevnog reda 45. sjednice Gradskog vijeća.

Nacrt Odluke o komunalnom redu u Gradu Sarajevu, prema informaciji Gradonačelnice, **nije spreman** i neće biti uvršten u prijedlog dnevnog reda 45. sjednice Gradskog vijeća.

Aida Bajramović, sekretarka organa uprave je upoznala članove Kolegija da nije u mogućnosti dati informaciju da li će Nacrt Odluke o stipendiranju izvrsnosti kod učenika srednjih škola iz Budžeta Grada Sarajeva biti upućen u proceduru radi razmatranja na 45.

sjednici Gradskog vijeća Grada Sarajeva obzirom da isti, do održavanja sjednice Kolegija, **nije pripremljen.**

Jasmin Ademović, predsjedavajući Gradskog vijeća je podsjetio članove Kolegija da je u toku javna rasprava o Nacrtu Budžeta Grada Sarajeva za 2025. godinu te je pozvao klubove gradskih vijećnika da uzmu učešće u javnoj raspravi.

d) Novi prijedlozi:

Aida Bajramović, sekretarka organa uprave, upoznala je članove Kolegija da će Gradonačelnica za 45. sjednicu Gradskog vijeća uputiti u proceduru **prijedlog odluke kojom će se dati saglasnost na tekst na Spomen-obilježju civilnim žrtvama zločina opsade Sarajeva 1992– 1996**, ali da, trenutno, nije u mogućnosti dati tačan naziv odluke koja će biti upućena u proceduru.

Također je istakla da će Gradonačelnica, za 45. sjednicu Gradskog vijeća, predložiti za razmatranje **Prijedlog Odluke o usvajanju Akcionog plana rodne ravnopravnosti Grada Sarajeva 2025.-2028. godina i Prijedlog Odluke o utvrđivanju posebnog značaja za Grad Sarajevo za Udruženje „Oaza“.**

Ad 2)

Tekuća pitanja

I. Jasmin Ademović, predsjedavajući Gradskog vijeća je upoznao članove Kolegija da je gradski vijećnik Adi Škaljić podnio ostavku na mandat gradskog vijećnika kao i na funkcije koje proizilaze iz mandata, i to:

- predsjedavajući Komisije za izbor i imenovanja,
- član Odbora za dodjelu „Šestoaprilске nagrade Grada Sarajeva“ u 2025. godini kao član Komisije za izbor i imenovanja, i
- zamjenik predsjedavajućeg Komisije za Statut i akte.

Napomenuo je da je, po prestanku mandata gradskog vijećnika Adija Škaljića, potrebno sačiniti novu odluku o formiranju Kluba gradskih vijećnika Naše stranke.

Naglasio je da je potrebno da Klub gradskih vijećnika Naše stranke predloži razrješenje Adija Škaljića iz radnih tijela i izbor novih članova u radna tijela.

II. Jasmin Ademović, predsjedavajući Gradskog vijeća je podsjetio članove Kolegija da je, putem e-mail-a, **gradski vijećnik Srđan Srdić** zatražio preispitivanje Odluke o stavljanju van snage Odluke o izmjenama i dopunama Odluke o pristupanju izradi RP „Centar Novo Sarajevo“, koja je donesena na 44. sjednici Gradskog vijeća.

Podsjetio je da su se ovom zahtjevu pridružili **gradski vijećnik Alen Girt, ispred Kluba gradskih vijećnika Naše stranke i gradski vijećnik Dragan Stevanović.**

U raspravi koja je uslijedila učestvovali su **članovi Kolegija Srđan Srdić, predsjedavajući Gradskog vijeća Jasmin Ademović, zamjenica predsjedavajućeg Gradskog vijeća Mirela Džehverović, Alen Girt, Seid Škaljić, kao i Mirjana Đanović Stanić, rukovodilac Stručne službe za poslove Gradskog vijeća.**

Član Kolegija **Vedad Deljković** napustio je sjednicu Kolegija u 14.25 sati.

Nakon rasprave, **Klub gradskih vijećnika Naše stranke** je najavio da će, uputiti u proceduru Prijedlog Odluke o stavljanju van snage Odluke o stavljanju van snage Odluke o izmjenama i dopunama Odluke o pristupanju izradi Regulacionog plana „Centar Novo Sarajevo“ radi razmatranja na 45. sjednici Gradskog vijeća Grada Sarajeva.

Članovi Kolegija Gradskog vijeća su se saglasili da se, prilikom razmatranja Prijedloga Odluke o stavljanju van snage Odluke o stavljanju van snage Odluke o izmjenama i dopunama Odluke o pristupanju izradi Regulacionog plana „Centar Novo Sarajevo“ u Gradskom vijeću, pozovu predstavnici Zavoda za planiranje razvoja Kantona Sarajevo.

III. Jasmin Ademović, predsjedavajući Gradskog vijeća je upoznao članove Kolegija da je uz poziv za 62. sjednicu Kolegija dostavljen akt Ureda za borbu protiv korupcije Kantona Sarajevo broj: 20-02-586-1685/24 A.A. od 22.10.2024. godine u kojem je Sekretaru Gradskog vijeća upućena molba da podsjeti gradske vijećnike da izvrše prijavljivanje imovine Uredu, poslije završetka dužnosti ili razrješenja, najkasnije 30 dana nakon završetka javne funkcije.

Jasmin Ademović, predsjedavajući Gradskog vijeća je istakao da je potrebno da članovi Kolegija o ovoj obavezi obavijeste vijećnike koji djeluju u okviru klubova koje predstavljaju.

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.40 sati.

SEKRETAR GRADSKOG VIJEĆA

Mila Eminović

PREDSJEDAVALJUĆI GRADSKOG VIJEĆA

Jasmin Ademović, s.r.